

OKVIRNI SPORAZUM o pružanju usluga

I SPORAZUMNE STRANE

KJP „ZOI'84“ OCS d.o.o.

Sjedište: Alipašina bb, 71000 Sarajevo
Kojeg zastupa direktor mr. Midhat Hubijar
Identifikacijski broj: 4200347000004
(u daljem tekstu: Naručilac)

i

Centrotrans-eurolines dd Sarajevo

Sjedište: Kurta Šorka 11, 71000 Sarajevo
Kojeg zastupa direktor mr. sci. Safudin Čengić
Identifikacijski broj: 4200153220003
Identifikacijski broj obveznika PDV-a: 200153220003
Transakcijski broj banke, ime i sjedište banke: 3383202251241969, Unicredit bank Sarajevo
(u daljem tekstu: Izvršilac)

II PREDMET SPORAZUMA

Član 1.

Predmet ovog sporazuma je pružanje usluga servisiranja i održavanja mini bus-a ISUZU 2.7 i busa NEOPLAN prema Tenderskoj dokumentaciji Naručioca, broj 435 /17 od 21.02.2017. godine i Ponudi Izvršioca broj 1/2616/17 od 02.03. 2017. godine, koji su u prilogu ovog sporazuma i čine njegov sastavni dio.

Član 2.

Izvršilac se obavezuje da će u ugovorenom periodu pružati usluge servisiranja i održavanja sljedećih službenih vozila Naručioca:

- a) motorno vozilo marke ISUZU 2.7, tip vozila ROYAL, vrsta motora - dizel, zapremine motora 4334 ccm, snage 88 KW, proizvedeno 2004. godine;
- b) motorno vozilo marke NEOPLAN bus, vrsta motora - dizel, zapremine motora 14618 ccm, snage 280kw, proizvedeno 1996 godine.

Član 3.

Izvršilac se također obavezuje da će:

- izdati predračun za servis-popravku vozila prije početka usluge,
- servisirati vozilo samo na osnovu izdate narudžbenice, a proširenje usluga mimo narudžbenice samo uz saglasnost ugovornog organa i obavezno pribavljanje dodatne narudžbenice po dodatnom predračunu,
- zapisnički primo-predati vozilo u slučajevima kada vozilo nije pod kontrolom osobe koja je dovezla vozilo, na servis-opravku tj. ako ostaje na servisu duže od jednog dana,
- otvoriti radni nalog za svaku uslugu koji će da sadrži: opis servisne usluge, podatke o vozilu (broj motora i broj šasije, reg. broj vozila, trenutno stanje kilometar sata), specifikaciju i količinu ugrađenih dijelova, pojedinačne cijene dijelova i ukupnu cijenu za izvršeni servis vrijeme i datum početka i završetka usluge servisa. Ovaj radni nalog će biti sastavni dio svakog računa. Radni nalog mora biti potpisan punim imenom i prezimenom od strane predstavnika ugovornog organa koji preuzima vozilo,

- sipati ulje za motor koje odgovara preporukama proizvođača vozila za navedenu vrstu i tip vozila,
- pridržavati se cijene usluge i dijelova ponuđenih po ponudi, kao i normativa za zamjenu dijelova propisanih od strane proizvođača vozila,
- za ugrađene dijelove dati garanciju u skladu sa propisima proizvođača, a na izvršene usluge najmanje 6 mjeseci od dana izvršenja iste,
- prilikom ugradnje koristiti nove i nekorištene dijelove kompatibilne sa vozilom u koje se ugrađuju, koji obezbjeđuju sigurno i optimalno korištenje vozila i koji su preporučeni od strane proizvođača vozila,
- vršiti ovjeravanje izvršenih servisa kao i upis slijedećeg termina za servis u servisnim knjižicama,
- vozila ugovornog organa uzimati u rad kao prioriteta,
- odmah, istog dana kada je kvar prijavljen, obezbjediti intervenciju šlep službe ukoliko nije moguće osposobiti vozilo u mjestu kvara. Bez obzira na mjesto kvara, vozilo šlep službom dovesti do izabranog servisa,
- dijagnosticiranje kvara vozila vršiti na dijagnostičkoj opremi koja može biti preporučena od strane generalnog zastupnika u Bosni i Hercegovini za vozila ugovornog organa čije servisiranje i održavanje je predmet nabavke,
- rezervne dijelove fakturisati po cijenama datim na elektronskom mediju (CD) uz ponudu, u slučaju promjene cijene rezervnoga dijela u odnosu na dostavljenu cijenu na CD-u, ponuđač je dužan dostaviti potvrdu proizvođača o promjeni cijene. U suprotnom, ugovorni organ nije dužan platiti uvećanu cijenu, već cijenu koja je dostavljena na CD-u.

Član 4.

Za koordinaciju operativnih aktivnosti na realizaciji ovog sporazuma, na način i u ugovorenim rokovima, imenuju se:

- za Naručioca: Suad Čolić, tel.061/256-877
- za Izvršioca : Adnan Šerak, tel. 062/864-831

III CIJENA I NAČIN PLAĆANJA

Član 5.

(1) Okvirni sporazum se zaključuje sa procijenjenom vrijednosti, u iznosu do od 13.000,00 KM (trinaest hiljada i 00/100 konvertibilnih maraka) bez uključenog PDV-a, odnosno 15.210,00 KM (petnaest hiljada i 00/100 konvertibilnih maraka) sa uključenim PDV-om.

(2) Usluge iz člana 1. ovog sporazuma će se plaćati prema utvrđenim pojedinačnim cijenama iz Ponude Izvršioca 1/2616/17 od 02.03. 2017. godine, koje se neće mijenjati tokom sporazumnog perioda.

Član 6.

(1) Naručilac će plaćanje ugovorene usluge izvršiti najkasnije 60 dana od prijema fakture Izvršioca.

(2) Izvršilac će fakture ispostavljati po završetku konkretne usluge.

(3) Ukoliko Izvršilac u odgovarajućem roku i na ugovoren način ne bude izvršio ugovorene usluge, dužan je za svaki propust i/ili svaki započeti dan kašnjenja isplatiti Naručiocu iznos od 20,00 KM, a najviše do 10% od ukupno ugovorenog iznosa.

IV STUPANJE NA SNAGU I RJEŠAVANJE SPOROVA

Član 7.

Ovaj okvirni sporazum stupa na snagu danom obostranog potpisivanja od strane ovlaštenih lica sporazumnih strana, a primjenjuje se 12 mjeseci od dana stupanja na snagu.

Član 8.

U ugovornom periodu, sporazumne strane imaju pravo da za predmet sporazuma opisan u članu 1. ovog okvirnog sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama Bosne i Hercegovine, u pogledu svakog od ugovora koji su zaključeni po osnovu ovog okvirnog sporazuma.

Član 9.

Svaka ugovorna strana može pokrenuti postupak raskida ugovora ako druga strana ne izvršava preuzete utvrđene obaveze, uz otkazni rok od 15 dana.

Član 10.

Eventualno nastale sporove pri realizaciji ovog sporazuma, sporazumne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

V OSTALE ODREDBE

Član 11.

Izvršilac nema pravo u svrhu izvršenja ovog ugovora da zapošljava, fizičke ili pravne osobe koje su bile uključene u pripremu TD ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 12.

Za sve što nije regulisano ovim sporazumom primjenjivat će se odredbe pozitivnih propisa kojima se reguliraju obligacioni odnosi u Bosni i Hercegovini.

Član 13.

Punovažne i obavezujuće su samo one izmjene i dopune ovog sporazuma koje su sporazumne strane sačinile sporazumno i u pisanoj formi.

Član 14.

Ovaj sporazum je sačinjen u 4 (četiri) istovjetna primjerka od kojih svaka sporazumna strana zadržava po 2 (dva) primjerka.

Za Izvršioca

mr.sci. Safudin Cengić, direktor

Datum: 06.04. 2017. godine

Broj: 1/4624/17

[Signature]

Za Naručioca

mr. Midhat Hubijar, direktor

Datum: 10.04. 2017. godine

Broj: 276/17

